

На Господи воззвах глас 8:

О, Дево Всепетая, / Бóга Сло́ва Ма́ти Пренепоро́чная, / а́нгелов
удивле́ние, христиа́ном засту́пнице, / стена́ неруши́ма на́м бу́ди /
сопроти́в ополче́ний ви́димых и неви́димых вра́г, / богонóснии
Твой ру́це к Сы́ну простира́ющи, / и моли́твою Тí всемо́щною /
советы нечестíвых разруша́ющи, // и зна́мение ми́лости Твоея́
на́м явля́ющи.

О, всех ра́достей Ра́досте, / скорбя́щих пресла́дкое Утеше́ние, /
грешных Спору́чнице, верных Спасе́ние, / приведи́ на́с в небéсное
Ца́рствие, / предста́тельством Твои́м немо́щь на́шу восполня́ющи, /
и на стра́шнем суди́щи Христóве предста́ни на́м, / му́ки вечныя на́с
избавля́ющи, // и зна́мение ми́лости Твоея́ на́м явля́ющи.

Глас 3:

Вси́ ро́ди земнии, / ублажи́те Марию Богоро́дицу, / пра́ведницы и
грешницы / еди́ный ли́к То́й соста́вите, / девы воспóйте Приснодеву
и девства Похвалу́, / ма́тери похвали́те Ма́терь Творца́ и Бóга, /
ста́рцы поклоните́ся Вётхаго Де́ньми Воплоти́вшей, / младе́нцы
просла́вите Предвечнаго Младенца́ на руку́ Своёю Держа́щую, /
убóзии возвели́чите бога́тство ми́лости и благода́ти Имущую, /
ца́рие превознеси́те Цари́цу небесé и земли́, / мы́ же, То́я честный
о́браз лобыза́юще, возоим: / раду́йся, Ра́досте неизглаго́ланная //
и Спасе́ние ду́ш на́ших.

Зна́мение Твоего́ к на́м, Влады́чице, благоволе́ния / ико́на Твоя́
всечестна́я яви́ся, / к нейже притека́юще, я́ко к исто́чнику
живоно́сному, / во́ду безсме́ртия почерпа́ем, / и врачевáния
разли́чная ту́не прие́млем, и поклоня́ющиеся вѣ́рно, / Тебе,
Первообра́зней, вопие́м: // Пресвята́я Богоро́дице, спаси́ на́с.

О, Дево Пречи́стая, / свете ду́ш на́ших, ра́досте и покрóве, /
скорбе́й отчужде́ние и грехо́в проще́ние, / прошéний смире́нных
исполне́ние / и благода́ти исто́чник неизсяка́емый, / Ты еси́
Пренепоро́чная, / сего́ ра́ди к Тебе припа́дающе мо́лимся: / к Сы́ну
Твоему́ и Бо́гу о на́с не премолчи́ вопи́ти, / да Тобо́ю от бед
изба́вльшися, // обрете́м у Христа́ Го́спода, ве́лию ми́лость.

Сла́ва, и ны́не, глас 1:

Дне́сь, всепра́зднственный ли́к составля́юще, / прииди́те воспо́йм
Деву Богоро́дицу, / и То́я пречи́стый о́браз со уми́лением лобыза́юще,
возопи́м: / о, Пресвята́я Влады́чице, / досто́яние Твое́ от вра́г лю́тых
изба́ви, / верны́я же к соверше́нию благих укрепи́, // Сы́на Твоего́ и
Бо́га о всех умоля́ющи.

На литии, глас 4:

Приидіте вся отѣчества языкъ, / в храм Господень стецѣмся, /
 воспойм Препетую Матерь Бѣга нашего, / и пречистому Ея образу
 верно поклонимся, / той бо яко залогъ спасѣнія намъ дарова, / темже
 того праздникъ светло совершающе, / Богородице немолчно зовѣмъ: /
 радуйся, готовая миру помощи, // радование и спасѣние душъ нашихъ.

Вся житѣйская попечѣнія отлагающе, / и суеты мирскія
 отвращающеся, / возведѣмъ очи мысленныя горе, / отнюдуже помощь
 приидетъ, / се бо небесная Царица, одесную Сына Своего и Бѣга
 предстоящи, / о насъ непрестанно молится, / темже Той
 предстательствомъ / отъ бедъ избавляеми возвеселимся, глаголюще: //
 радуйся, теплая наша Заступнице и спасѣние душъ нашихъ.

Слава и ныне, глас 2:

Вѣлія радости днѣсь исполняемъ вси / и со страхомъ и трѣпетомъ
 умилно благодаряще взываемъ: / откуду намъ сіе, яко прииде къ намъ
 Матерь Бѣга нашего? / Се бо икона Ея цельбоносная посреде насъ
 пребываетъ / и той прикасатися дерзаемъ, и поклонятися, / и ту ю
 лобызати, / и молѣнія Первообразней, яко воистинну с нами сущей,
 приносити, / темже Той снисхожденію чюдящеся, вопиѣмъ: // радуйся,
 Благословенная Богородице Дево.

На стихóвне, глас 1:

Небёсныя вóи имúще помóщники, / Воевóду же Непобедíмую, /
 Деву Богорóдицу, / Честнýм Крестóм вооружíвшеся, / на врагí
 спасёния нáшего ополч́мся, / вопиýще Преблагословённей: /
 держáвныя Твоея́ пóмощи не отымí от нас, / на Тя́ бо упováние
 возлож́хом, // да не постыд́мся во веки.

Слáва, и ны́не, глас тойже:

Дíвна правослáвных торжествá, / днёсь стéкшеся, псалóмская
 пёния принесём, глагóлюще, / воскресн́й, Гóсподи, в покóй Твóй, /
 Ты́ и кивóт святýни Твоея́, / я́ко побéду даровá образ Преч́истыя
 Твоея́ Мáтере, Сло́ве. / Ея́же мол́твами, Иисýсе Всес́ильне, //
 спасí дýши нáша.

Тропа́рь, глас 4:

Я́ко необорíмую стéну и истóчник чудёс / стяжáвше Тя́ раб́и
 Тво́й, Богорóдице Преч́истая, / сопротивных ополч́ения низлагáем. /
 Тёмже мо́лим Тя́: // м́р гра́ду Твоемý даруй и душáм нáшим
 вéлию мýлость.

Кондак, глас 4:

Честна́го о́браза Твоего́ зна́мение / прáзднующе лю́дие Тво́й,
 Богородíтельнице, / ýмже дíвную побéду на сопротивных гра́ду
 Твоемý даровáла еси́. / Тёмже Тебе́ вéрою взыв́аем: // ра́дуйся,
 Дéво, христиáн похвалó.

По 50-м псалме, глас 2:

Вѣлія радости днесь исполняемся всѣ / и со страхом и трепетом
умильно благодаряще взываем: / откуду нам сіе, яко прииде к нам
Матерь Бѣга нашего? / Сѣ бо икона Ея цельбоносная посреде нас
пробывает / и той прикасатися дерзавем, и поклонятися, / и ту ю
лобызати, / и молѣнія Первообразней, яко воистинну с нами сущей,
приносити, / темже Той снисхожденію чюдящеся, вопіем: // радуйся,
Благословенная Богородице Дево.

На хвалитех, глас 8:

Кия Тѣ песни воспоем, Богородице? / Кия Тѣ дары принесем? /
Нищету нашу духовную зриши. / Обаче, яко бисер многоценен, /
слезныя наша капли приими, / яко же фимиам молитву и
воздыханіе сердечное, / таже и печаль нашу на радость преложи; //
Ты бо еси верныхъ пресладкое утешеніе.

Слава, и ныне, глас 1:

За мир весь тепле помолися, Богородице, / помощи бо Твоея
требуем, / сетям лукаваго по всему лицу земли распростертым, /
языком же шатающимся и бурям напастей / на Церковь Божію
воздвизаемым, / темже, яко в Кане Галилейстей иногда, / рцы слово
к Сыну Твоему и Богу, / да воду искушений же и скорбей // в вино
умилѣнія и веселія Божественнаго претворит.